

SPORAZUM

O NAUČNO-ISTRAŽIVAČKOJ I POSLOVNO-TEHNIČKOJ SARADNJI

zaključen između:

1. Univerziteta u Sarajevu, Prirodno-matematički fakultet, ul. Zmaja od Bosne 33-35, PIB: 4200494560252, koga zastupa prof. dr. Nusret Drešković (u daljem tekstu: Fakultet).

i

2. Instituta Ruđer Bošković, Bijenička cesta 54, Zagreb, koga zastupa ravnatelj dr. sc. David Matthew Smith (u daljem tekstu: Institut Ruđer Bošković),

Član 1.

Predmet ovog sporazuma je regulisanje međusobnih odnosa u naučno-istraživačkoj i poslovno-tehničkoj saradnji između Fakulteta i Instituta Ruđer Bošković.

Član 2.

Naučno-istraživačka i poslovno-tehnička saradnja prema ovom Sporazumu obuhvata:

- realizaciju zajedničkih naučno-istraživačkih projekata;
- zajedničku primjenu naučnih dostignuća radi podizanja kvaliteta osnovnih djelatnosti potpisnika sporazuma;
- zajednička istraživanja;
- specijalizaciju istraživačkog kadra;
- organizaciju stručnih i naučnih skupova;
- korištenje stručnih i naučnih časopisa i ostale bibliotečke literature.

Oblasti u okviru kojih će biti realizovana saradnja su prirodno-matematičke nauke, tehničko-tehnološke nauke i biomedicina.

Član 3.

Detaljnija međusobna prava i obaveze po svakom predmetu saradnje biće uređene posebnim sporazumima.

Član 4.

Sporazumne strane se obavezuju da će sve zajedničke poslove koji nisu obuhvaćeni ovim sporazumom, dogovorno i ravnopravno utvrditi i urediti.

Član 5.

Sporazumne strane pri realizaciji ovog sporazuma, kao i posebnih sporazuma koji proizilaze iz njega, obavezuju se da će preduzete obaveze ispunjavati u potpunosti i blagovremeno, da će se pri tome pridržavati važećih propisa i pravila struke.

Član 6.

Ovaj Sporazum zaključuje se na neodređeno vrijeme i stupa na snagu danom potpisivanja.

Svaka strana može da otkáže ovaj Sporazum ako se u roku od 30 dana od dana obavještenja o otkazu Sporazuma ne postigne dogovor o spornim pitanjima ili se ne potpišu izmjene i dopune ovog Sporazuma.

Član 7.

Svi sporovi koji eventualno proisteknu iz ovog Sporazuma, sporazumne strane će riješiti međusobnim dogovorom, a ako se u tome ne uspije spor će rješavati nadležni sud u Sarajevu.

Član 8.

Ovaj Sporazum sačinjen je u 4 (četiri) istovjetna primjerka, od kojih svaka strana dobija po 2 (dva) primjerka.

Univerzitet u Sarajevu – Prirodno-
matematički fakultet


Prof. dr. Nusret Drešković, Dekan

01/01-324/3-2025
14.04.2025.

Institut Ruđer Bošković, Zagreb


Dr. sc. David Matthew Smith,
Ravnatelj

Broj: 01-3050/1-2025
25.04.2025.



